

Pendaftaran dalam talian program latihan MRL dibuka

BERITA HARIAN (BUSINESS) 2 JAN 2018 (SELASA) M/S: 24

Pendaftaran dalam talian program latihan Malaysia Rail Link Sdn Bhd (MRL) kini dibuka sehingga esok.

MRL dalam satu kenyataan berkata, program latihan selama tiga bulan, yang dikenali sebagai Program Latihan Kemahiran Industri East Coast Rail Link (ECRL) atau ringkasnya, PLKI-ECRL, bertujuan untuk mewujudkan kemahiran teknikal tempatan dalam industri pembinaan rel kereta api di samping melengkapkan penubuhan Pusat Kecemerlangan Rel Kebangsaan.

“Kursus ini memberi tumpuan kepada bidang reka bentuk dan pembinaan rel kereta api dan selaras dengan pembentukan Pusat Kece-

merlangan Rel Kebangsaan yang akan mengawasi penyelarasan kualiti dan akreditasi pendidikan industri rel kebangsaan,” kata syarikat itu.

Program latihan terbabit adalah hasil kerjasama antara MRL, China Communications Construction Company (CCCC) dan **Universiti Malaysia Pahang** yang akan melatih sehingga 3,600 pelajar yang berminat dalam industri rel dari 2017 hingga 2022.

148 pelatih sudah daftar

MRL berkata, pengambilan pertama 49 pelatih yang terdiri daripada 21 orang pemegang diploma dan 29 pemegang ijazah Sarjana Muda pada September, baru sahaja tamat pen-

gajian dan akan memulakan kerja pada Januari 2018.

“Sementara itu, 148 pelatih sudah mendaftar sejak Disember 2017 yang terdiri daripada pemegang Sijil Kemahiran Malaysia yang sedang mengikuti latihan peningkatan kemahiran *concretor* (pengkonkrit), *formworker*, *bar bender*, *hydraulic excavator* (pengorek hidrolik), *wheel loader* serta *tester* (penguji).

“Pelajar ini sedang giat menjalani latihan di Institut Kemahiran Tinggi Negara (IKTBN), Bachok, Kelantan dan Akademi Binaan Malaysia (ABM) Kuala Berang, Terengganu, di bawah program PLKI-ECRL,” kata syarikat itu.

BERNAMA